

Claude WISELER
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 15/07/2025

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir Finanzen weiderzeleeden.

A verschiddene Servicer vun der Douane, wéi zum Beispill um Flughafen, mussen d'Beamt:innen Schichte schaffen. Dozou gehéieren deementspreechend natierlech och Nuetssschichten dozou. An deene leschte Jore war et esou, dass d'Primme fir d'Nuetssschichten emol am Joer ausbezueelt goufen, dëst ëmmer Enn Abrëll oder Enn Mee. Eis gouf zougedroen, dass entretemps doriwwer geschwat géif ginn, fir dass d'Primmen an Zukunft all Mount mam Salaire sollen ausbezueelt ginn amplaz e Mol am Joer. Dëst ass besonnesch erstaunlech am Kontext dovun, dass d'Nuetsprimmen fir dat lescht Joer bis elo nach net ausbezueelt goufen, wat fir Onmutt bei ville Beamten:innen suergt, well et bei ville Beamten:innen ëm Montanten an Héicht vun e puer dausend Euro geet, déi vill vun hinne scho fest an hir Depensen ageplangt haten.

An deem Zesammenhang wéilt ech dem Minister dës Froe stellen:

1. Firwat goufen d'Nuetsprimme bei der Douane nach net wéi soss üblech Enn Abrëll respektiv Enn Mee ausbezueelt?
2. Wäerten d'Nuetsprimme mam Augustsalaire, deen Enn Juli ausbezueelt gëtt, ausbezueelt ginn?
 - Wa nee, firwat net?
 - Falls d'Nuetsprimme net Enn Juli ausbezueelt sollte ginn, fir wéini ass dëst virgesinn?

Mat déiwem Respekt,



piraten.lu



CLEMENT Sven
Deputéierten

